

Ibibazo bikunze kubazwa ku kiza kibangamiye ukwitaho abana EBT (P-EBT) & Ukwitaho abana mu ci P-EBT (**Bishasha)

Umwaka w'ishure 2021-2022 (*Myandagaro 5, 2022*)

Ikibazo ca 1: Ukwitaho abana P-EBT ni iki?

Inyishu: Ni akarusho mfatakibanza ku mfungurwa kemewe na leta mu gufasha imiryango ifise abana bari muni y'imyaka 6 mu kiza ca COVID-19.

Ikibazo ca 2: Ni bande bemerewe kuronka uturusho two kwitaho abana P-EBT?

Inyishu: Ingo z'i Verimont zironka uturusho 3SquaresVT hamwe n'abana bari muni y'imyaka itandatu. Uturusho P-EBT two kwitaho abana tuzotangwa buri kwezi duherewe muri Nyakanga 2021 gushika muri Ruheshi 2022 ku ngo zemerewe.

Ikibazo ca 3: Akarusho P-EBT ko kwitaho abana ni amahera angahe?

Inyishu: Akarusho P-EBT ko kwitaho abana kangana n'ama dorari 32.31 kuri buri mwana buri kwezi kuva muri Nyakanga 2021 gushika muri Nzero 2022. Igiciro co kuva muri Ruhuhuma kugeza muri Ruheshi 2022 ni amadorari 33.55 kuri buri mwana ku kwezi.

Ikibazo ca 4: Akarusho P-EBT ko kwitaho abana mu ci ni amahera angahe?

Inyishu: Akarusho kose P-EBT ko kwitaho abana mu ci kangana n'ama dorari 391 kuri buri mwana. Bitandukanye n'akarusho ko kwitaho abana ka buri kwezi, akarusho P-EBT ko kwitaho abana mu ci ni akarusho gatangwa rimwe kagafata amezi yo mu ci yose Mukakaro na Myandagaro.

Ikibazo ca 5: Ni ryari uturusho P-EBT two kwitaho abana tuzotangwa?

Inyishu: Igice ca mbere (kuva Nyakanga 2021 gushika Nzero 2022) tuzotangwa kare muri Ruheshi 2022. Abana bakwije ibisabwa mu kuronka akarusho P-EBT ko kwitaho abana bazorihwa rimwe ku mezi yo kuva muri Nyakanga gushika muri Nzero kuri buri kwezi umuryango waronse uburusho 3SquaresVT.

Uburusho bwo kuva muri Ruhuhuma gushika Ruheshi 2022 buzotangwa muri Nyakanga.

Ukuriha uburusho P-EBT bwo kwitaho abana bwo mu ci bizoba muri Nyakanga ku miryango ifise ibisabwa kugira ironke 3SquaresVT muri Mukakaro. Ku miryango ifise ibisabwa kugira ironke 3SquaresVT gutangura muri Myandagaro, akarusho P-EBT ko mu ci ko kwitaho abana kazorihwa muri Gitugutu. Ayo magenekerezo ashobora guhinduka, musabwe kubandanya kuraba kuri uru rubuga ibibazo bikunze kubazwa vyashizwe ku mwanya.

Ikibazo ca 6: Ni gute nobona ko urugo rwanje rwemerewe?

Inyishu: Igisata kijejwe serivise z'ubutunzi (ESD) kizoraba nimba umwana wawe yemerewe, hisunzwe ingingo ziri aho hejuru. Nimba wemerewe, uzoronka ikete rivuye muri ESD risigura ukuntu hamwe n'igihe uzoronka akarusho.

Ikibazo ca 7: Nimba twemerewe, ni gute tuzoronka ubwo burusho?

Inyishu: Uturusho P-EBT two kwitaho abana tuzotangwa hisunzwe ikarata EBT yatanzwe ku rugo rwawe ku karusho 3SquaresVT.

Ikibazo ca 8: Ububasha ku mwana wanjye buri hagati y'ingo zibiri. Ni nde aronka akarusho?

Inyishu: Akarusho kazorongikirwa uwukuze yashizwe ku rutonde rwa 3SquaresVT nk'umukuru w'urugo na ESD.

Ikibazo ca 9: Nogura iki n'aka karusho?

Inyishu: Raba [urutonde rw'imfungurwa zemerewe](#) ku rubuga ngurukanabumenyi rwa USDA.

Ikibazo ca 10: Ni hehe nokoresha ikarata yanje EBT?

Inyishu: Ushobora kuyikoresha mu kugura imfungurwa ahariho hose bemera 3SquaresVT. Aha harimwo inzu zigurisha imfungurwa, inzu nini z'ibidandazwa, inzu zigurisha imfungurwa za leta, hamwe n'amasoko menshi y'abarimyi borozi b'i Verimont. Iga vyinshi kuri DCF's [urubuga rwa EBT](#).

Ikibazo ca 11: Ntabana mfise mu bigo vyitaho abana bato. Noronka aka karusho?

Inyishu: Ego. Abana bose bari muni y'imyaka itandatu kandi bariko baronka 3SquaresVT baremerewe.

Ikibazo ca 12: Ndafise abandi bana barenza imyaka itandatu. Boba bemerewe kuronka uturusho two kwitaho abana P-EBT?

Inyishu: Oya. Uturusho ni utw'abana bariko baronka 3SquaresVT kandi bari muni y'imyaka itandatu. Musabwe kuraba ibibazo bikunze kubazwa kuri P-EBT vy'ishure kugira muronke ayandi makuru ajanye n'uturusho turiho kubw'imyaka y'abana b'ishure.

Ikibazo ca 13: Ni gute nimba ntakeneye aka karusho?

Inyishu: Ukwitabira ntagahato. Nimba uhisemwo kutitabira, ntukoreshe uturusho turenzako twashizwe kw'ikarata yawe 3SquaresVT EBT.

Ikibazo ca 14: Uturusho P-EBT twoba duta igihe nimba tudakoreshejwe?

Inyishu: Ego. Uturusho P-EBT tuzota igihe nimba ikarata idakoreshejwe mu minsi 274.

Ikibazo ca 15: Ndafise ibibazo vyinshi. Ni hehe nomenya ayandi makuru?

Inyishu: Ja kuri <https://dcf.vermont.gov/esd/covid19/P-EBT> canke uhamagare 1-800-479-6151 kuri 7 kugira uronke ayandi makuru.